



Wed 12th Oct 1898

大清光緒廿四年

本館新開禮拜外每日出報一
紙諸君賜閱本報者無論
本埠外埠均可函致本館取
閱如外埠閱報加寄費不
也除日本英法德俄美各國
借工本從英法德俄美各國
紙各機器以待與英法德俄
刊活字及各式花邊等延有
西人排印工藝甚精所有延
印字大小機器均用精工刊

第五千零六十六號

申報

(號七第牌門口虱巴舊在設開館本)

印工緻絕倫並延有文士書
寫各種文字現由上海購到
各種書籍出售其書目另行
刊佈所有各項原稿其有須
世道人心者附登其否亦無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真爵里而後敢
將原稿收回也本館謹白

戊戌八月廿七日

英大一千八百九十八年十月二十二號三拜 每張售錢五文 每月一元 每日售錢五文

醫寓賴吉南告白 ○余自祖父傳授以來兼治內外等症奏效如神前月由唐來埠蒙 同安堂
頭家相愛延寓店內諸友如知名推薦所到做寓一間便悉人藥兩安百發百中此啟
大清光緒二十四年八月二十七日 同安堂謹啟

寓址告白 ○余已于丁酉年正月下浣寓在利峇峇里路門牌第九十九號茂林園屋內倘
君欲調換東賑執照每名部飯須銀二元順帶前來可也此佈 戊戌年八月廿七日 章王憲謹啟

保薦人材宜先去弊論

吾嘗見夫車之行於陸也雖載重百鈞而初無千程難達之慮其所恃者何曰有輪也吾又見夫舟之濟於
川也雖波迴湍急而終有中流容與之能其所賴者何曰有楫也國之需乎人材也譬猶車之恃輪舟之賴
楫也車摧輪則無以行舟失楫則無以濟國乏人材則無以理是故人材者國家所倚之為存亡者也烈
帝蜀起諸葛於隆中荷堅滅燕假王猛以政柄明祖一里巷耕夫任劉基而遂有天下由此觀之則立政致
治折衝厭難舍人材易克至斯然而峻極之山非一石所能成凌雲之樹非一木所能構狐白之裘非一腋
所能裁宇宙之大而使一賢一才以治之則天下終無以理是以古之人君必招賢聘隱盡搜天下之英豪
人臣必獻士舉知以廣國家之心術荷使陶唐不昇二八則雖以仁如天智如神之堯帝而終不能流睦睦
之休姬周不臣十亂則雖以開厥後烈無競之武王而終不能播濟濟之詠乃知天子雖甚神明英武而欲
撫字天下子惠黎元不重賴耳目股肱盡皆英傑雖然連城之壁壘影荆山夜光之珠潛輝鬱浦深林窮
谷之內不乏楨幹之才而無工師以度之則梁棟美質與樗櫟同棄矣自古迄今豪傑不世出之士抑鬱不
遇終身湮沒者寧可數計雖曰有數存乎其間然亦未始非有權位者不能薦賢之過也昔者臧文仲不顯
展禽仲尼謂之竊位公孫弘不引董生汲黯斥為妬賢虞邱不薦叔敖楚樊姬貶為不肖故為國入寶不如為
國進寶古人有拔奇於囚虜擢能於屠販內舉不避子者外舉不避讐者誠有鑒於進賢受上賞蔽賢蒙顯
戮之戒也今 國家之時勢亟矣需才亦孔亟矣成法未善膠執舊制則須內治之才強鄰環伺欲敦和睦
則須外交之才府藏空虛司農仰屋則須理財之才軍實不修老弱疲病則須經武之才有一事不得其人
則國勢即不能轉弱為強 國運即不能反衰為盛以 中國四萬萬人之繁庶 國家二百餘年之培植
豈無傑出之士各懷濟世之才者乎特無人焉以為之汲引則亦湮沒不彰耳 皇上知其然也特降 綸
音命內外大臣保舉人材以備權用各大臣仰遵 聖訓羣舉所知其見之於章奏者亦屢矣而余獨不能
無慮者則在乎瞻徇情面私其所好也彼賈綠賄賂得列薦牘者猶不與焉夫 朝廷大臣位尊望重親戚
里黨門生故舊依草附木其人必多平時既習與周旋則臨時苟有所求恐亦不能盡置不理畧能言一二
變法之故而以為是即內治之才稍能解泰西文字語言而以為是即外交之才或偶言開礦築路之如何
得利練兵製械之如何為善而以為是即理財經武之才究其實其人祇小有才幹未足以備大用也而以
親戚里黨門生故舊之故不得而作溢美之辭列之薦牘此瞻徇情面之說也夫人之性情雖同而嗜好各
異或喜素而惡赤或愛剛而惡柔人之相契當亦類是漢順帝聽山鳥之音而云勝絃竹之響魏文侯好越
鑿之聲而不貴金石之和無他執其所好也執其所好故其嫫母之醜貌而軒皇愛之然以易落英之麗容
以敦洽之飾狀而陳侯悅之不能敵陽文之媚態世間以貌為白以是為非之弊皆由於此其於推轂人
也寧獨無快奸為正味不肖為賢者乎此私其所好之說也凡此二者皆賢者之所不免至於因賈綠賄賂
而妄列薦書者想各臣工皆知自愛未必敢蹈其轍然即有此二者之弊而所保人材 國家已不獲收其
實效矣是不可以不戒也

上諭恭錄

○八月初六日奉 上諭譚繼洵奏遵保便才一摺在籍翰林院檢討宋育仁湖北候
補知府洪超着該督撫飭知該員來京預備召見欽此○初八日奉 上諭胡聘之奏遵旨保荐便才等語
候補道許珏着胡聘之飭令該員來京預備召見欽此○初九日奉 上諭廣州將軍保年由護軍府升副
都統簡放廣州將軍宜力有年克勤厥職茲聞盜匪趁念殊深着加恩照將軍例賜卹准其入城治喪任內
一切處分悉予開復應得卹典該衙門查例具奏欽此○十一日奉 上諭廷茂奏押解秋審覆勘斬犯中

送脫逃請旨將疎防原解差官革職一摺秋審重犯派差押解宜如何加意嚴防乃竟漫不經心以致中途脫逃實屬異常疏忽差官雲騎尉金保著先行革職並著延茂提同解兵等研訊有無受賄故縱情弊仍飭勒限嚴緝逸犯務獲究辦該部知道欽此○十二日奉 上諭四川重慶府知府員缺著鄂芳補授欽此○同日奉 上諭譚鍾麟等奏查明貪劣不職文武各員請旨懲儆一摺廣東前署信宜縣知縣文博藉端需索官聲甚劣南海縣縣丞張錫藩庇賭索費致釀人命代理潮州府經歷王河屏聲名平常韶州府司獄文從周不明事理前署清遠營游擊馮瞭不知振作帶勇缺額署廣州協西關汛千總李祥輝縱容賊匪互鬪斃命達濠營効力千總吳家兆行為乖謬物議沸騰均著即行革職以肅官常餘著照所議辦理該部知道欽此

各國在華舉動要電 ○本坡實得力太晤士西報接廿五日英來京電云俄國現撥支什兵六十六名七磅彈子巨炮二門英國則撥海軍二十五名連環炮一門德國則撥海軍三十名均已馳抵北京以便各保本國使署惟總署見俄使如此舉動故已備文詰問言俄派駐京之軍不應如此之多竟至倍於列國之數云云然據北京官場擬議則恐此隊俄兵有永遠駐京以護使署之勢云嗚呼中國朝廷本無事故若其所行新政無人阻擾次第辦去則列國雖有強兵猛將究尋何隙而來乃竟憂起蕭牆自相水火無事而擾成有事至召外人疑慮今各國入京之隊實不啻中朝有以召之夫既招之便來乃又責其不合抑何當國者夢夢乃爾書畢不禁髮指眦裂者久之

法國電音 ○本坡實得力太晤士西報接廿五日英來電云法京各製造廠之工役現俱停止而所有停工之人至前禮拜六即二十三日止已有四萬名之多據知者料之則至本禮拜一即二十五日此輩可至六萬人之數至於停工諸人雖頗洵洵惟尚未釀成變故今法廷已備兵二萬名戒嚴以待接令之下即可出而將事聞諸役所以停罷之由係因苦國家之政令所致至法國欲於一千九百年間舉行賽珍大會故已大興土木建造會堂今此會堂因諸工停歇之故亦經罷役將來之局尚未悉其若何也同日來電又云現在法廷已出密諭與駐防邊界諸將云前皇宗室奧里因公爵有到法國地界即須將其拘捕云云按奧里因公爵自法國改易民主以來即已出亡英國惟其謀復君主之志則時刻難忘每欲乘機起而舉事近緣乃非士之案法京察院則欲再行詳訊惟武營中人甚為不願該公爵因此之故遂謀結諸武臣之好特作佈政寄往法國四行傳播力言乃非士之案不宜再訊蓋欲藉此以媚法之武將俾其背廷臣而附已事為法廷所聞惡其假公濟私用心奸狡恐其乘機回國攪動民心故特下令防之也

土國電音 ○本坡實得力太晤士西報接廿五日英來電云前者英俄法意因基列之事經致埃的馬敦書於土廷書中有言土若不從四國所請則土國於基列一地將來恐不免有失帝權云云
埃及電音 ○本坡實得力太晤士西報接廿五日英來電云倫敦傳說埃及兵部署擬即遷往加東以便就近整理該處軍務俾資快捷云云

李侍御代理東使 ○京友函報云出使日本大臣黃公度京卿抵申後政躬未豫未能即行東渡而前使裕朗西星使在東京抱病頗重即候交缺今年九月為日本皇壽辰各國使臣禮宜前往慶賀使臣重任不可一日無人近聞王大臣已奉派前赴日本諮訪大學校之李木齋侍御暫行代理黃星使到後即可卸任旋云按此信息係在康黨之事尚未發覺以前所報今因康黨主事獲罪凡諸黨人概皆不免黃京卿亦為康黨且平素交情甚密恐亦有難免於拿問夫京卿前日 簡放德國公使成而復阻今乃改 放日本公使倘坐黨禍則亦可見其數之奇矣可慨也夫

京事述要 ○上海報云聞康有為未奉太后之旨拿問之前於月初三日已奉 皇上密諭着其速行出京故翌日再有明諭促其離京借督辦官報局為題也至新政黨人獲罪緣由則因中國大皇帝力行變法是以守舊老臣及宗室人等心大不悅聯名奏請 皇太后重行攝政云云

各黨其黨 ○京師之變傳說紛如茲接上海西東言自李傅相退出總署後 皇上探聞 皇太后有密諭李傅相言公雖退出總署且姑暫就大學士之職而國中之事不日即出而整頓公其勿憂等語按康主事到港之際曾與人言其奏請奉 太后出宮不宜干預朝政之疏忽被傍人竊看 皇上因此知其必干不便故於初五日作函密諭康有為着其即日出京而去合此兩事觀之則李傅相為 太后之黨康事主為 皇上之黨益覺顯然可見惟奈太后現復操權 皇上失勢遂致康黨概不免於罪咎可慨也夫

國聞報記天津初六初七初八三日惶惑情形 ○自六七月以來京師種種謠言駭人聞聽捏造事實偽託圖識無非言將有官闈之變謂某官某員均泣求長跪於 太后之前某員某官往來南北傳遞消息如此風聞人幾盡知初六日薄暮傳聞北京提督府差來官役數十名至天津密拿工部主事康有為疑其向在紫竹林一帶四處大索迄未緝獲斯時已聞有 皇太后訓政之詔然知者不多大約官場中當要差者數人并外國領事府中人而已初七日早六點鐘知苑車停止人始皇皇而適初五日傳有英俄在暉春開仗之說乃羣焉以為訖車之停為外國交戰之外而起此一說也鐵路公司中人初亦信之既而思英俄即便開仗與京津鐵路無與何為而使之停哉必有別故乃發德律風至馬家堡問之答云早晨有 旨拿問張侍郎蔭桓故暫停鐵路云云此說一傳眾疑滋甚此又一說也及二點鐘有訖車專掛花車一輛云中

僅制臺幕府楊姓者一人并僕人二名不許再附別客或曰此非幕僚即某侍御也或曰此并非某侍御即某大臣也此行決有非常之事此又一說也三點半鐘聞王苑生觀察率同伍昭展太守張文成司馬由火車至塘沽密拿康有為於是知康之踪跡已不在紫竹林矣至晚各西人忽言康某已由塘沽拿獲又有西人由三點鐘晚車自北京來云張侍郎下獄並無此事因提鞫圍其第而索康故致此謠也惟康有為之弟廣仁及書記人等均已獲獲又傳聞 聖躬不安又傳聞 皇上暫居靜室不接臣僚該西人又云若果如此外人定將干預決不聽之又有西人言此事從中實有某大國欽使主持調度西人言此者奮髯抵几意甚不平於是而羣言淆亂莫衷一是矣初八日訖車已開人心稍定午刻王苑生觀察回津知康有為業已於初四日遠颺無從弋獲北洋大臣派飛鷹兵輪前往退逐又發電通告各口岸之文武各員會同各口外國領事齊心緝訪至暮人心稍定而歡欣鼓舞之人與殷憂焦思之人各為一類言語不通是非不同目下尙不能定其當否以上皆天津之情形也故必須另行設法與其本國不同方足以稱美善云

願居局外 ○接昨上海來信云近日京師之變在俄法奧比等國頗不欲為干預以此觀之想英美德日等國亦將不與此事云云出缺傳聞 ○粵西巡撫黃植庭中丞親赴前敵各情經列前報茲接前途信息云中丞在桂經已騎箕云云因據傳聞謂中丞因奉上諭限以一月將匪首剿除迨今一月之期將屆而亂勢猶未畧平又聞都門有擬將中丞拿問之舉大抵中丞因此之故以至自盡云云然此皆傳聞之詞恐未盡確也

招工錄聞 ○風聞西本年底有人在實得力及暹羅各處載運華人五萬名前往俄國內蓋該處現正招工故特募多人前往也彭亨來信 ○彭亨來信云前禮拜五日有人載運日本銀元欲在該處進口惟彭官不准云云觀此一事可知南洋各埠多欲禁用日本銀元盛衰之運即銀元亦且有然况其他哉

暹米豐收 ○暹京來信云暹地本年禾造甚佳觀此情形可作有秋之望夫近日之米價貴矣彼蒼眷念斯民湯其上稔則天心不可謂為不厚雖然奈彼居奇者何哉

附會可笑 ○網略來信云兩禮拜前忽有居民紛紛往某廟中禮佛人山人海擠擁不開據云佛身近日靈感異常其頸及胸忽然流血云云嗣有識者得聞其異因往細加體驗始知佛像之鐵有生鏽者偶然着水鏽隨水瀉故色微紅遠而望之遂若血耳愚人無識妄生附會抑何可笑

三獸相從 ○昨有人從吉龍來者述云日前有望加麗兵三名携洋槍率盧令入山獵獸一兵先至山麓忽有野豬一頭從叢林之中奔出向前徑走羣狗追之該兵欲開槍轟擊忽觀山君一頭從野豬經過之舊路走出其意蓋欲追趕野豬者也該兵放槍擊之虎受傷大喘趨入林內該兵不敢徑搗其穴當是時天色已向晚矣遂尋二兵偕歸次早該兵復與二兵入山尋虎望見該虎倒臥地上微有呼嘯之聲一若受傷甚重也者連放數響就而視之蓋已斃矣 按該虎因趕豬而死於馮婦之手是何異黃雀之欲啄螳螂而中弋人之彈乎君子曰是則貪為害而身之所以難保也錄檳城報

申報述國事要聞 ○申報云八月初六日 皇太后密旨派步軍統領崇大金吾禮親督官弁往宣武門外米市胡同南海會館查拿工部主事康有為崇統領暨左右翼總兵三堂齊至該巷人喧馬嘶如湯沸鼎見者莫不驚訝惟康因前奉 諭旨催促就道已於前一日出京赴滬祇將康之弟暨留京僕人會館長班等概行拿去雖里巷傳說紛紛究不知其因何得罪聞前數日有人奏請盡裁八旗兵丁改練勁旅遣撤旗丁安置散處改令務農 皇上特旨令各旗都統會議覆奏慶王端王均管旗務不肯簽押同往 頤和園 皇太后前而陳其事 皇太后聞之深以為異又詢及一切新政大有不合 慈意者初四日傳 諭旨立刻還海面問 皇上新政事宜并申飭執政諸大臣何不諫止故初六日有 皇上便殿辦事之旨復傳 諭旨拿康問罪康之獲咎或即在奏行新政中道路傳言又謂張樵野侍郎同被譴責侍郎京寓在東安門外錫蟻胡同登時宅第門外人山人海幾無容足之處其實皆聞風而至者并非無官家一人到門雖經家丁屢次澆水驅逐直至黃昏人始散盡次早至待宅宅第事者則見門房三間寂靜無人只有籠鐘老僕踉蹌堂中相與應對迥非平時氣象矣該報又云 皇上一日萬幾加以力圖新政變法惟恐不速而 皇太后則以法祖敬宗為重故於初六日在便殿垂簾辦事初八日行親政典禮此已見諸邸鈔列於報首者矣先是京師此事聞而不宣至初五日午後約四點鐘時有內務府人員自京至津卸裝於佛照樓樓忽忽即往北洋大臣衙門拜會榮中堂隨後人等均揮諸門外不得近前有從窓外竊聽者則亦以語細不可辨惟見來員於言語之間數指而計至第五節中堂拍案嘆息語至黃昏留膳夜半始回初七日晨七點鐘仍出門拜客不知何往午後一點鐘中堂至佛照樓回拜密談餘鐘之久然後旋是夜督轅接京電遂於夜半以後札行津蘆鐵路總局稱有密件飭於初七日暫且停車京師亦未開車搭客前來惟於十點餘鐘來一火車其勢甚疾至河東車站停輪有一西人手挈綠簾遠行躍下向北而去蓋亦赴督轅公幹者比十一點餘鐘有官輿一乘隨二戈什同西人登車開往京師道路均屬耳目謂

中堂已被 召晉京惟衙署則諱莫如深謂當於初九日始行北上不知是何意見也初六夜九門提督奉 皇太后懿旨帶兵二百名查拿主事康有為以其與張樵野侍郎同鄉交好圍侍邸私宅搜查不獲改投南海會館搜捕不獲如前惟獲其弟康廣仁並其得意門生某交刑部衙門訊辦康有為聞已潛逃往津初七日三公司輪船暫不開行由地方文武嚴行搜捕嗣武昌泰順二船仍鼓輪而去至津蘆火車則於初七日下午三點餘鐘仍開行如故云

神像何辜 ○廈門人黃有曲住居加籠路磚仔窰地方平日以捕蝦為業廿五晚潮退之際在加籠橋下撒網竟獲麵粉袋一具其中有物異而啟視則為關聖帝君及周大將軍像各一尊黃見之駭然再為審視則二像均以鐵釘釘其頭腹手足等處黃益駭詫乃急將釘拔起將二像奉回家中供養云噫神像何辜乃竟作以惡劇是真欲索解人而不可得矣

油船失火 ○猶太商人那旦於二十日僱有中舡五艘載運土油至丹戎隅貨棧中詎至抵岸之時業已近夜不便起貨因命原船暫貯候至翌早始為卸卸詎至是晚十點餘鐘時有一船忽然着火烟騰騰起直冲霄漢奈油性甚烈遇火即燃無從救治諸船伴不得已各自起水逃生并將船纜割斷俾順潮流至淺處雖經各水龍灌救然竟無從為力惟任其船自焚故直燒至十二點鐘時始已其船及貨均為灰燼聞該船所載之土油共有七百箱之多則其所值亦殊不菲矣但聞該船并無火種惟有燃點椰油之燈一枝懸於桅頂是夜船人皆睡迨至火發之後始各驚醒其火是否係緣此燈所致則尚不得而知也

騙案詳臬 ○前報亞納人西逸嗎末民亞山控其同籍人西亞里騙去磁戒指四枚值銀五百餘元一案廿五日已在府堂訊畢以案情重大判詳臬堂核奪

屋塌傷人 ○小坡王府後大馬路第三百八十五零七號門牌之屋乃閩人李姓開設雜貨店內并有諸人寄寓廿五日下午四點餘鐘時其後座忽然傾塌因壓傷閩婦陳氏粵婦劉氏并女孩二口其傷輕重不一即經巡差昇送西醫院中調治

黃堂瑣誌 ○高里狀師赴案請票將其工伴穆拉油人嗎末沙林拘獲據稱一千八百九十三年七月十九早命被告收取賬項二百六十七元三角被其收而遁去今始探知其已復來叻地故請將其拘捕云云廿六日府尊提訊一次命展至九月初五日由兩堂會訊○粵人李亞勝於廿五夜在小坡加申街叻產潮人陳錦友屋前緣其鉛水槽欲登樓上因被暗差所獲同日府尊訊畢判李監禁三閱月○吉審洗衣人砂棉控告瓊童林亞卿陳亞增二人竊其所晒之白衫二件府尊訊畢判各答責十藤及吉審販櫻婦控瓊童葉陳兩入搶其標銀及鋪一元二角半府尊訊畢判葉責十藤陳責五藤○前報巡捕官在烏者路吉興號緝獲十二枝案即將叻產潮婦黃大娘等四人拘獲一案同日已經府尊訊定以原告証供不能指陳確鑿因命將被告開釋○是日為傳訊工部局控案之期統計本期所控之案共有六十五起訊定後仍照舊例判各罰銀二三元不等

摘抄鄭給諫思賀奏米價翔貴請飭籌辦摺 ○查光緒十四年進口之米約七百萬石都城所售洋米甚多近年進口之米頗減而出口反多果使無妨民食原可聽其流通若如本年情形直以民生食命之原為奸商漁利之具坐受其困國何能支夫水旱偏災何國蔑有擬令嗣後各國運有荒歉必須訂購中國米粉已經議定價目石數者一面照會總理衙門電達各海關查照放行購運之數亦宜稍示限制此外如有奸商私販出口及冒充洋商旗號者一律查拿治罪等語着榮祿劉坤一貴請飭妥籌辦理一摺據稱比歲以來米價漸次加增都城尤甚論者謂販運出洋之米過多所致請嗣後外洋各國訂購中國米粉須令照會總理衙門電達各海關查照放行購運之數亦宜稍示限制此外如有奸商私販出口及冒充洋商旗號者一律查拿治罪等語着榮祿劉坤一會同沿海各省將軍督撫體察情形妥籌辦理原摺均着摘抄給閱看將此各諭令知之欽此

請用切音字奏稿 ○臣林韜存跪 奏為字學繁難敬陳管見請用切音以便學問恭摺仰祈 聖鑒事竊聞一畫開天龍馬啟苞符之瑞二儀成象岫巒傳夏禹之碑自古由象而隸而楷而草字已屢易我 朝 龍輿遼瀋兼用清書 欽定康熙字典且用切音之法蓋字者要重之器也器惟求適於用故書法代有變更字類代有增廣迄今重譯紛至因知我國之字最為繁重艱深以故為學難民智無從啟發泰西人才之眾實由字學淺易考其法則以字母拼合成字音故傳習無難而成學自速今欲步武泰西當察其本原所在師其意而效之則用力少而成功多現在 朝野設立大小學堂及編譯局所以培養人才之意至為深厚然字學仍舊非用功六七十年莫能稍通文理而福建廈門近時用盧憲章切音新法祇須半載便能持筆行寫其所欲言難易之問判若天壤倘以盧憲章所創閩音字學新書正以京師官音頒行海內則 皇靈所及之地無論蒙古西藏青海伊犁以及南洋數十島凡華民散居處所不數年間書可同音而且婦孺皆能知書文學因而大啟是即合四外為一心聯萬方為一氣豈不熱哉查創新法切音字者福建盧憲章之外更有福建舉人方捷三江蘇上海沈學廣東王炳燾已故前署漢海關道蔡錫勇各有簡明字學刊行於世其法均遵 欽定康熙字典切音參以西法而善其變通或以字形勝或以音義勝或以拼音勝大旨以音求字字即成文文即為言無煩講解人人皆能而尤以盧憲章苦心孤詣研究二十餘年且其生長外洋壯年回籍故其

所為切音新字捷訣深得中西音義之正而旅閩西人亦多傳其學稱為簡易臣為舉國文學所關不揣冒昧敢請我 皇上飭下各督撫學政傳令盧憲章等并其所著字書咨送來京由管學大臣選派精于字學者數員及編譯局詢問而考驗之核其短長定為切音新字進呈 御覽察奪頒行庶幾極難之學業變為極易而四百餘兆人民無不知學則我國富強未始不從此致也中學國字原取象形最為繁難今之字典三萬餘字祇可留為典要能者從之不必以此責令舉國之人從事講求以疲其精力則幸甚矣訪聞英美德法各國知文識理者十人得其八九我國十不一二而況民貧財竭誦讀為難更以艱深繁重之字責其為學將何以啟中西文明之會耶以故冒昧上言是否有當伏乞 皇上聖鑒訓示謹 奏光緒二十四年七月二十四日具奏廿九奉 旨着交總理各國事務衙門調取盧憲章等所著之書詳加考驗具 奏欽此

海外壺天 ○藥酒豈有奇功哉市上懸壺余絕沽而飲之即飲之亦無所益焉而孰知鐵中亦有錚錚者事緣余於月之初旬某夜睡起如廁秉燭下樓乃因風滅火立足不牢蹶而傷手紅腫如瓠力不勝痛刺於心因即向傷科肆中購藥丸藥酒等急為調治絕不獲效而劇益轉增余於是更焦急萬分矣嗣得時雨軒主人朱子佩兄聞余傷手頗重因即將其所製之軍中跌打藥酒二枝及跌打藥丸二粒命人送至余拜而受之因從其教以丸和酒服且敷之未幾覺痛漸止而腫亦微消因知其丸與酒之妙也敷服數次不一二日而手竟如故微斯妙藥為克藥此今而後余不謂市上懸壺之藥酒藥丸等均無所效也雖然該軒所製之藥丸藥酒均與別家不同余服別家之丸與酒而不驗嗣服該軒之丸與酒而應效如斯知子佩兄存心濟世固非與射利之徒所可同日而語也余感其德爰綴數言錄報藉誌不忘并願世有與余同病者知所求焉則可免無窮苦惱矣余更得而贈該軒之言曰海外壺天 大清光緒廿四年八月十七日 鄧雁賓謹識

北慕娘國家招人承充餉碼告白
啟者茲北慕娘國家欲招人入票承充以下所列各餉碼其票當於西一千八百九十八年怒民末月十五號以前送交仙那港輔政司署以憑選擇至此餉碼係承充一千八百九十九年一載為期茲將各碼開列如左
鴉片烟餉碼 酒牌餉碼 當舖餉碼 北慕娘出入口稅餉碼 北慕娘賭碼
所有一切詳細情形可向本行詢問便能知悉特此佈告 西一千八百九十八年九月二十四號 一 二 北慕娘國家駐紮新嘉坡代理人牙直里洋行謹啟

荷蘭總領事示 ○大荷蘭國駐叻總領事府尼威 為曉諭事照得西本年屋多末月十號及十一號有勿連木八十五久密棉打在巨港出投為此示仰商民人等知悉汝等有欲採購者其如期往投可也特此諭知 西一千八百九十八年九月十七號 一 二 示

土油出投 ○啟者茲定於西屋多末月十四號即華本月二十九日禮拜五上午八點鐘在丹戎隅福蘭公司土油棧內拍賣 土油一萬九千箱 諸君有合意購買者祈屆期 玉臨投買特此佈聞 大清光緒廿四年八月廿六日 大英一千八百九十八年十月十一號 吧越館主謹白

精製眼鏡告白 ○眼科之理甚微筆難備述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中在刺付酒店第五十七號房中暫行寄寓諸君賜顧尚祈按址訪尋不勝幸甚 西歷一千八百九十八年十月十號 刺沙勝士謹啟

廈門平耀局告白 ○茲接三寶壠諸善士滙由建隆興號捐緣欸來大銀陸千元容捐冊寄到當即將各善士芳名續為刊登 大清光緒二十四年八月二十五日 廈門平耀駐叻籌捐董事公啟

湖北賑捐告白 ○啟者本坡駐叻會館之局現遷瓊州會館勸辦前日分設水仙門裕昌隆店蔡翁慰農代辦刻下在瓊館亦係該店代辦耳 諸君欲捐請到瓊州館裕昌隆兩處報捐可無悞矣 勸辦湖北賑捐委員李謹啟

管格 ○特授三州府華民政務司正堂伊 為懸賞事照得現據潮人李學源稟稱伊係同治四年在叻坡溪墘門牌第十四號內生長為此出示諭知凡有確知該李學源係在何處生長者可即來署報明如果所報是實即賞花紅銀二十五元此示 光緒二十四年八月二十二日 大英一千八百九十八年十月七號 示

聲明告白 ○啟者大馬路吉靈廟前第七十四號門牌乾生班誠醬料雜貨生理又牛車水番寮尾第三十一零六號門牌廣全昌號油生理原係林德循林欽衛林德球鄧遠發等自昔年合夥經營今適合力分勞尚覺生財有道所以比日來各股友均已別圖設店各自分營然皆非乾生及廣全昌所分枝而別創也故即特字聲明如乾生及廣全昌有與各寶號取貨均有兩號圖章為憑外此無論各股所友私設之店號與 各寶號取貨均惟經手是問不得互相牽引致滋後論也此佈

光緒二十四年八月二十二日 大英一千八百九十八年十月七號 乾生號廣全昌各股東等謹啟

移寓告白 ○啟者余現已移寓在土庫煎芝亞里巷即舊麗如銀行邊前德律風公司巷內第一號門牌樓上辦理認務倘遠近諸君不棄謫陋憲然賜教祈即按址前來面商當不負其所託也此佈

大清光緒廿四年八月十九日 阮添壽謹啟

草聖暫駐 ○朝鮮尹君漢石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售

光緒廿四年七月十八日 啟

藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得

光緒二十四年七月初三日 叻報館代啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也

大清光緒二十四年五月十三日 本館謹啟

拍賣 啟者茲本館承 按察司之命定於屋多末月十七號即華九月初三日禮拜一下午二點半鐘在本館內拍賣直落亞逸街門牌第一百號及一百零一號古友軒印字館及其所創之華字報名曰星報所有機器雜物及店底等計有印字機器手印機器 畫格及印字頭之機切紙及鑽孔機器 排字盤 鑄字機器 石版車及字粒 鑄字機器 中西鉛石版等物於拍賣之前四日內任人往看 諸君有合意者請如期前來投買其餘詳細情形另有西字錄明覺之便悉特此佈告

光緒廿四年八月二十二日 吧越館主謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒機號寄售

大清光緒廿四年六月廿九日 時雨軒主人謹啟

新到上等機器油

啟者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告

大英一千八百九十八年八月十八號 中轄珍目兄弟公司謹啟

店舖出稅 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊邦路頭豐興號內向余詢問便得特此佈聞

光緒廿二年十月廿四日 薛連錫謹啟

豐源號

本號輪船往來各埠船期開列如左 在各埠往實叻日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

由芙蓉往吉隆坡每逢禮拜二六日下午六點鐘開行


由吉隆坡回芙蓉每逢禮拜二四日下午四點鐘開行

由麻六甲回實叻每逢禮拜二五日下午四點鐘開行

各輪船在叻往麻六甲吉隆坡實蘭午 等禮拜五日三點鐘開行特此佈


豐源號謹啟

蜜酒出賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧所為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日

明嗎也洋行謹啟



烏密酒發賣



啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈
英一千八百九十八年正月一號
光緒廿三年十二月十八日 明嗎也洋行謹啟


法國頂上蜂窠標萬蘭池酒發客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸
英一千八百九十八年正月一號
大清光緒廿三年十二月十八日 明嗎也洋行謹啟


明嗎也洋行謹啟

馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購置此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用
有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號
大清光緒二十三年十二月十八日

明嗎也洋行謹啟



三品出售

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號
明嗎也洋行謹啟

